

ուր սովորաբար գաւառական ոստիկանն է ապ-
րում, հէնց միայն այն գիւղն էլ օգտուում է. իսկ
մի քանի տասնեակ գիւղեր բոլորովին զուրկ են
բժշկից օգտուելու հնարաւորութիւնից: Իսկ Ու-
տիացոց աշխարհում կրթուած և մասնագէտ ման-
կաբարձուհիների գոյութեան մասին նոյն իսկ
մութ գաղափար անգամ չունին: Այն ինչ, ի
դէպ է ասել, որ բազմամարդ Նիժ գիւղաքաղաքում
մի բժիշկ իւր օգնականով և մի հատ էլ մանկա-
բարձուհի, որ իմանալիս լինէր թէ հայերէն
և թէ թուրքերէն լեզուները, ահագին փր-
կարար գործ կարող էին կատարել: Ահա երի-
տասարդ համալսարանաւարտ Հայ բժշկի և ման-
կաբարձուհիների գործունէութեան համար լնջն և
ընդարձակ ասպարէզ, ուր կարող են մարդասիրա-
կան թէ մեծ գործ կատարել և թէ նիւթապէս ու
բարոյապէս լի ու լի շահուել: Ահա հէնց այս
իսկ պատճառներով Ուտիական աշխարհի դժ-
բախտ Հայ ժողովրդի թիւը չի աճում, իսկ ապ-
րողների արական սեռը թոյլ, անգոյն և տարիքն
էլ շատ կարճատև է լինում—45—50 տարեկան:
Ահաւասիկ ձեզ պերճախօս փաստեր: Ջալալիան
Սար. Սրբազանը 1848 թ. երբոր ճանապարհոր-
դում էր Ուտիացոց աշխարհում, Նիժ ուտիախօս
գիւղացի բնակիչների թիւն եղել է ընդամենը
500 տուն *): Անցել է այն օրից մինչև ցարդ ու-
ղիդ 55 տարի և այսքան երկամբ ու ձիգ տարի-

*) Տե՛ս «Ճանապարհորդութիւն ի Մեծն Հայաստան»,
Երես 381: